



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za
davanje na poklon Ostrva mobilnosti KJP Centru „Skenderija” d.o.o. Sarajevo i
JP „Olimpijskom bazenu Otoka” d.o.o. Sarajevo,
nabavljenog u okviru projekta TRIBUTE, finansiranog iz EU Interreg Programa
(Prijedlog)

Predlagač: Gradonačelnica
Obrađivač: Gradska služba za održivi razvoj

Sarajevo, oktobar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka k) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __. 2024. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za
davanje na poklon Ostrva mobilnosti KJP Centru „Skenderija” d.o.o. Sarajevo i
JP „Olimpijskom bazenu Otoka” d.o.o. Sarajevo,
nabavljenog u okviru projekta TRIBUTE, finansiranog iz EU Interreg Programa**

Član 1.

Ovom odlukom daje se saglasnost gradonačelnici Grada Sarajeva za davanje na poklon Ostrva mobilnosti KJP Centru „Skenderija” d.o.o. Sarajevo i JP „Olimpijskom bazenu Otoka” d.o.o. Sarajevo, nabavljenog u okviru projekta TRIBUTE, finansiranog iz EU Interreg Programa.

Član 2.

Ostrvo mobilnosti iz člana 1. ove odluke čine dva (2) električna punjača, dvije (2) pametne klupe sa solarima i parking za bicikle i romobile.

Član 3.

Ostrvo mobilnosti na Olimpijskom bazenu Otoka kojim upravlja JP „Olimpijski bazen Otoka” d.o.o. Sarajevo čini električni punjač MOON Wallbox Connect 2x11KW i pametna klupa sa solarima i parking za bicikle i romobile – CITY GECKO pametne klupe.

Član 4.

Ostrvo mobilnosti na platou Skenderija kojim upravlja KJP Centar „Skenderija” d.o.o. Sarajevo čini električni punjač MOON Wallbox Connect 2x11KW i pametna klupa Modul Solar Pro Plus sa Modulom Wheel Basic.

Član 5.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

**Broj:
Sarajevo, __. __. 2024. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka k) Statuta Grada Sarajeva („Službene novine Kantona Sarajevo“, broj 7/23) kojima je propisano da Gradsko vijeće upravlja i raspolaže imovinom Grada Sarajeva.

RAZLOZI DONOŠENJA

Projekat TRIBUTE – „inTegRated and Innovative actions for sustainaBle Urban mobiliTy upgrade“ finansiran je iz Interreg Adrion Programa ukupne vrijednosti 3.269.400,00 EUR/6.394.390,60 KM, od čega je za aktivnosti Grada Sarajeva predviđeno 150.000,00 EUR/293.374,50 KM. Projekat je implementiran u periodu 01.01.2021.-30.09.2023. godine.

Cilj Transnacionalnog Interreg ADRION projekta TRIBUTE („inTegRated and Innovative actions for sustainaBle Urban mobiliTy upgrade“) jeste jačanje evropske teritorijalne saradnje u Jadransko-jonskoj regiji, fokusirajući se na moderne urbane izazove, kroz korištenje inovativnih metoda i alata, u svrhu uspostavljanja integriranih akcionih planova koji podržavaju održivu mobilnost u osam gradova partnera na projektu: Milan (IT), Maribor (SLO), Ljubljana (SLO), Zagreb (HR), Patras (GR), Novi Sad (RS), Sarajevo (BiH) i Podgorica (CG), kao i razvoj transnacionalne strategije za gradski transport u Jadransko-jonskoj regiji, u skladu sa novim ciljevima EU održive, integrirane i inkluzivne mobilnosti.

Jedna od aktivnosti projekta TRIBUTE je uspostava Ostrva mobilnosti. Ostrvo mobilnosti je fizičko mjesto koje služi diskretnim potrebama lokaliteta unutar kojeg se nalazi. Dakle, 'Lego' analogija mogućnosti postavljanja različitog broja fizičkih stvari, vezanih za mobilnost (eScooteri/eBikes/eCars) ili općijih usluga (kafić, pametne solarne klupe, zeleno okruženje, ormarići za skladištenje, itd.) koji odgovaraju toj lokaciji. Također, olakšava jednostavno proširenje kako se potrebe okruženja mijenjaju. Svojom praktičnošću i izborom načina putovanja, sve većom dostupnošću diljem grada, te svojim dizajnom i atraktivnom formom, omogućit će stvaranje „5-minutnog grada“. Pod vizijom „5-minutnog grada“ podrazumijeva se izbor zajedničke električne mobilnosti na 5 minuta hoda od bilo kojeg mjesta u gradu.

Projekat Tribute i Ostrvo mobilnosti dobilo je podršku: Ministarstva saobraćaja Kantona Sarajevo, Fakulteta za saobraćaj i komunikacije, Udruženje inženjera saobraćaja, Nevladinog sektora-Giro di Sarajevo i Nextbike-a.

Ostrvo mobilnosti postavljeno je na dvije lokacije, i to plato Skenderija i plato ispred Olimpijskog bazena Otoka. Ostrvo mobilnosti na Olimpijskom bazenu Otoka sastoji se od Električnog punjača MOON Wallbox Connect 2x11KW i pametne klupe sa solarima i parking za bicikle i romobile – CITY GECKO pametne klupe. Ostrvo mobilnosti na platou Skenderija sastoji se od električnog punjača MOON Wallbox Connect 2x11KW i pametne klupe Modul Solar Pro Plus sa Modulom Wheel Basic. Vrijednost Ostrva mobilnosti na ove dvije lokacije iznosi 52.900,00 i finansiran je kroz projekat.

Kako se radi o stalnim sredstvima Grada Sarajeva, potrebna je saglasnost Gradskog vijeća Grada Sarajeva za davanje na poklon Ostrva mobilnosti KJP Centru „Skenderija“ d.o.o. Sarajevo i JP „Olimpijskom bazenu Otoka“ d.o.o. Sarajevo, a u skladu sa projektnim prijedlogom i dinamikom projekta.

FINANSIJSKA SREDSTVA

Za realizaciju ove odluke nisu potrebna finansijska sredstva.